

HEBIRAIO

Papia i mitiņic eki me eki qâreņkewec i mi mananġopeneņ. Mâc Paulore babaficfâc jaņeraonec moczi qâreņkewec i sawa mananġopeneņ. Niç gâcne jaņe Apolozi mecne qâreņkewec, â gâcne jaņe Banabazi qâreņkewec, iņuc muenġopieņ. Papia rune ine Palestaiņ mâreņkonec Judaņic Miti Opâ rua-jarekicne jaņe. Hebiraio i Judaņic jaņere šâņe raņġa moc. Papia qâreņkewec mitiņic eki Itali mâreņko juhuc qâreņkewec (gaņ 13:24). Timoteo kâpâcwârû fickonec wahawec dameņ ira qâreņkewec (gaņ 13:23).

Palestaiņ mâreņko Judaņic gâcne Jesure kike-fuņ erâ juhapie fai-jeņicko šika kâpâcwârû feme bugâpâcko jumbiņ. Moneņ mafa i wâc jowac rokiçne (gaņ 10:32-34). Eme pârâckehuc šinġuc mumbiņ: Miti qâricne bajuhapene fific guguriņ boc enâreņġopieņ. Irec miti qâricne beherâ raņġane sawa bajuhuc mâteņne junšepeneņ (gaņ 4:4-6 â gaņ 10:26-29). Tucnezi biac mitire tutumaņko mocwâc mi fisihuc qâoma embiņ (gaņ 10:25). Ine hâcne, Jesure hata râpeckerâ Judaņic hata raņġa-jeņic i mocwâc âtezo mumbiņ.

Eme mitiņic papia qâreņke-jarewec eki bufac qajarehuc dâņ šinġuc qâreņke-jarewec: Jesurao qohota sananġehuc miti kiki papaņ jaha bajuzo (gaņ 3:1 â gaņ 10:23). Ehuc qâoma rorokac tâmiric juzo (gaņ 10:19-25). Á Jesure šinġuc

qârenkewec: Jesu e miti fârine jâmbânj bâfua-nârewec. Mârâc jaha mitio wiac ewarekicne i sahadne sawa. Jesu e fekicne sâko, porofete â anjelo jaŋe ere wahacmicne sasawa (gaŋ 1 â 2). Mose â Josua jahe Jesure wahamicne (gaŋ 3 â 4). Taha bapa ŋic jaŋe sâqocne mutâmireniŋte tâpiri mi fojarewec. Qowi bâzi rikembiŋ irec fârine mi muzo, i mâc sâsâc ekicne. Jesu e taha bapa sâko fârine, eki kiŋnâŋecte kiwiric rome tarawec (gaŋ 4-10). Mitiŋic guru sâko mârâc jaha mamasaniŋhec juhuc sananċembiŋ jaŋerao findendeŋnehuc qicwânšânċhec erâ juzo (gaŋ 11 â 12). Erâ miti qaŋazu â micne bapa hata âtenârembiŋ, ijaha âte raku hae ŋeŋe sananċ bâfua-nârekicne, ira fisizo (gaŋ 13).

Jesu e miti mujaŋgenċke-nâre tarawec

¹ Anutu e mârâc jaha porofete ejareme jaŋe mimiŋnefâc-nâŋec dâŋ hawarine fuŋne fuŋne â hatane fuŋne fuŋne jaza warekuhapie

² ine šâhec tataranao, dameŋ šira hâcne, Nokâ ecneme dâŋ nâzâwec. ŋokâ e wiac sasawa irec rune juocte mucnewec, ehec hâcne wiac bâfua-fârepic.

³ Anutu eri tatamac-ticnere qâreŋ erao fuawec fokacte â ju ju-ticnere sâc juekacte tâpiri dâŋticnezi wiac sasawa dope siŋsiŋ ecneha foekac. Eki sâqocne šure bataniŋ gie bafârerâ faic fekicne sâko ere fâreo fewec ŋekac.

⁴ Anjelo hucjopa-fârewec jukac, irec sâcko anjelo šânċe siricke-fârehuc šânċe fekicne hotâckewec.

Anjelo jaŋe wahakicne, Nokâ e fekicne

5 Anutuzi mo aņelo mo kecšijuc moc âzâcnewec:

“Go hâcne ņokâ-nane,
no miņecgac bâfuacgukopac”?

Me kecšijuc:

“Noni Mamac ecnerâ jupemu
â eki ņokâ enarerâ juzejec”?

6 Moc ine juku mârâc fufua e mâreņko râeme wahaocmu irec dâņ šijuc muwec:

“Anuture aņelofâc jaņe dienzi hecne-
fârenšepieņ.”

7 Aņelo jaņere kecšijuc mukicne:

“E aņelofâcne hawari-jeņic bâtikieme mâņâņ
eeņgopieņ,

â kiņaņ qaqaqâcne hawari-jeņic bâtikieme
šocbâruņ eeņgopieņ

8 ņokâre ine šijuc mukicne:

“Anutu go ņicwofuņ ņeņege i ņeņe sanâņ
ņerašihuc juocmu,

â ņicwofuņ gunuge i bâbâtiņ gunu biaņ.

9 Go tiņnere egareekac â hehesic ine râsi ecneekic.
Irec Anutu, gore Anutu, eki šeri wokemaņ rua-
garewec,

i âgofâcge jaņere sâc jâuruhuc rua-garewec.”

10 Moc šijuc mucnekicne:

“Wofuņ go fufuņkenao mâreņte hobeteņ râemeņ,
â sambâņne sambâņne jaņe megere qâreņ.

11 Jaņe siroweniņmu, go ine jusanaņkekic,
jaņe ņaqi iņucne raņqaņkeniņmu.

12 ņaqi iņucne epie goki bataforiec-jopacmu,
eme jaņe hawari moc eniņmu.

Goki ine juekic ijaha juekic,
â jara dameņge i moc mi taraocmu.”

13 Anutu e mo aņelo mo ŝiņuc moc âzâcnewec:
 “Ware fâre-naneo ņehanțec
 râsifâcge guruc-jopape
 kikegere ââtesij enșepiņ”?

14 Aņelo sasawa jaņe mârozi kiņaņ qaqa, ņic
 bâbâpiaņ rauckenijte mukicne jaņe bafic-
 jopaniņte sorec-jopakicne.

2

Bâbâpiaņ dâņ mi qikiņezo

1 Irec nâņac ma bătirinșipeņte dâņ manamben
 i mocwac paņșaic mana sakac enșepeneņ.

2 Aņelo mickonec dâņ mukicne i mupaņkekecne,
 eme huhucke â qaqtara fuame okacnehec ejujec,

3 izi wemocko bâbâpiaņ dâņ fekecne
 qikiņepene okacmâc foomu? I Wofuņ e
 jahac qanaņ mufuawec, eme hazec fâri-jeņiczi
 manambiņ jaņe muwarekupie sanaņke-nârewec.

4 Ehame Anutu e jahac wac mâsi â tâpiri wiac
 șaņe furu bâfuahuc dâņ i dopeckehuc Tiri Mârore
 taha biaņ manawec sâc kâdoc qajarehuc feņeņ
 râecnewec.

Jesu e dameņ bemeņne aņelo jaņere waham- icne juwec

5 Hae mâreņ șâhec fuaocmu, dâņne
 muņgopeneņ hâcne, i Anutuzi aņelo jaņe guriņne
 baniņte mi muwec.

6 Mitijic moczi irec dâņ mutaniņkewec ine
 ŝiņuc:

“Go ņic e wemomac-ticnere manasucneekic,
 â ņicte qâric e wemo-ticnere hone maiņ ecneekic?

7 Go dameņ ņondeņ bemeņne mac aņelo jaņere

wahamicnao juocte mucnemen,
go tatamac â šâŋe biŋezi erickemen,
⁸ ehuc wiac sasawa kike-ticnere rurumaŋko
râemen.”

Anutu e wiac sasawa ŋicte rurumaŋko râewec,
i bâtâc mi bahuc wiac furu jaha qikiŋnecne-
fârewec ekac. Damenj šinuczia ine wiac
šengoma ŋicte rurumaŋko guruckekicne i mi
honeŋgopenenj.

⁹ Jesu ine honenŋopenenj, e damenj ŋondenj be-
mbeŋne mac aŋelo jaŋere wahamicne juhuc
hâmocte šâic manawecte tatamac â šâŋe biŋe
tahackekicne hâporâ jukac. E Anutuzi aki
anonoc enâreocte mume hâmoc hâtâne ŋic sa-
sawa nâŋâcnere erâ manawec hâcne.

*Jesu e qafâc-ticne munâreocte maname mi
quŋkewec*

¹⁰ Wiac sasawa irec rune â bâbâfua e naru
motecfâcne bocjaha eri tatamac-ticnao jowac-
jopaocte manasuhuc bâbâpianj-jeŋicte micne
bapa e šâic sererenj gie baku mao fisiocte
mucnewec i sâcke-hâmowec.

¹¹ Eme maŋfuru bacjopakac e mecne â furu
bacjopakicne jaŋe mecne Mamac-jeŋic moc-
jaha, irec qafâc-nane mujareocte maname mi
quŋkeekac.

¹² Dâŋticne šinuc hâcne fokac:
“No šâŋe biŋege qafâc-nane muromacke-jarepe,
kikefuŋ guruo šeri mumutenj egarepe.”

¹³ Erâ moc šinuc:
“No erao roweckehuc jupemu.”
Erâ moc šinuc:

“Zi no erâ Anutuzi qie guru narewec nâņe mâmâc juņgopeneņ.”

Jesu e nâņâcne sâc ewecte sâcne bafic-nâpooctu

¹⁴ Eme qie jaņe saħac biuchec sasawa juņgopieņte eki ijaha wâc rowec. I e jahacne hâmoczi hâmoc rune Sataņ hâcne tâpiri-ticne game goronķewecte,

¹⁵ erâ wâc hâmocte hâhâwiczi niņgiņ-jopame dameņ-jeņic sâc kâpâcwâru ficko ņejumbieņ jaņe batarac-jopaocte iņuc ewec.

¹⁶ Wiac i aņelo kime dopec mi ejareekac i, e Abrahamte qâricfâc nâņâc kime dopec enâreekac.

¹⁷ Eme irec hâcne qafâc-ticne jaņehec sâc mocjaha jâmbâņe eocte mucnekicne, hatane gâcne moc mi fowec. I taha bapa sâko urucne â hazec hâricne erâ Anuture maio taha gie bahuc ņic ņokac nâņâcne sâqocne šure tâmireocte iņuc ewec jukac hâcne.

¹⁸ E jahac šâic manahuc eesâicko rašiwecte ņic eesâic fua-nâreha sâcne bafic-nâpoekac.

3

Jesu e Mosere femicne

¹ Mitieņic âgofâc-nane, sambâņte mâmâc hefârec-ņopakicne, ņoņe miti kiņaņ ņic â taha bapa sâko Jesu, šâņene murâ rereņ eengopeneņ, erao findendeņņeņšepieņ.

² Eki gie runere mume rereņ juwec, Mosezi Anuture ficko juwec irec sâc juwec hâcne.

³ Fic baekac ere šâņe biņezi ficte šâņe biņe jâuruekac, sâc ijaha Jesu šai šonšon-ticnezi Mosere sirickekac.

⁴ Ficne ficne i bâbâfua-ticnehec, wiac sasawa irec bâbâfua ine Anutu.

⁵ Mose e Anuture ficko jufârehuc mume rerenġie bawec, i dâņ šâhec fufuanere biņe muocte kiņaņ qaqa juwec.

⁶ Kristo e ine ņokâzi fic rune jukac. Ficticne nâņâc hâcne. Erâ i mâc mâcne, wiac biņe qanârekiecne irec mamanaġ paņšâic â bubianġko juhapene taraocmu, ine ficticne eņġopeneņ muzo.

Israe ņic maņsanaņ embiņ iņuc mi ezo

⁷ Irec Tiri Mârozi dâņ šiņuc muwec i nâņâcne biņe ekac:

“ņoņe miņecġac dâņticne manaņġopieņko,

⁸ tuhuo eesâic fuame aaricko ekicne, maņsanaņ iņuc mi eņšepieņ.

⁹ Mimiņnefâc-ņeņic jaņe ira wiac bapa-nane jara 40 honembiņ, erâ sifu pepecne enarehuc esâicnumbiņ.

¹⁰ Eme no irec manape ġâpâreme jaņere šiņuc mupo:

‘Jaņe maņjeņiczi raņqa raņqa qâsorieeņġopieņ, jaņe nore hata moc mi hone manac embiņ.’

¹¹ Iņucte kimbeņ qajarehuc mumupaņ dâņ šiņuc mupo:

‘Jaņe nore jujumana hae mâreņko moc mi rašinšepieņ’.

¹² Âġofâc-nane, ņoņeraonec moc e miti qikiņnehuc maņ ġâġâpâc erâ Anutu jujune râpeckeacte soņaņ babac ehuc juņšepieņ.

¹³ Erâ šoaņne šoaņne miņecgaczi miņegac forahuc juocmu sâc faņ qaçac eņšepieņ, sâqocnere eea-tuczï ñoņeraonec ñic moc ecneme maņbâzic eza-ckohec.

Israe ñic jaņere manasurâ hâwic-nâpozejec

¹⁴ Nâņâc Kristore miti kâdoc babaju, ine fuņkehuc manasiņkembelij mamanasij i paņnea bajuku mao fisinaņmuzi eņgopeneņ.

¹⁵ Dâņ šijuc fokac:

“Ñoņe miņecgac dâņticne manaņgopieņko, aaricko ekicne, maņsanaņ ijuc mi eņšepieņ”,

¹⁶ ine weni jaņe dâņticne mana-bipiehuc aaric bâfuambij? I mockoneczi mâcne, Mosezi micne bajareme Aigita mâreņkonec warembij ñicguru i sasawa jaņe hâcne.

¹⁷ Me weni jaņere Anutuzi maname gâpâreme jara 40 tarawec? I sâqocne bahuc mâreņ tuhuo hâmo sipiric embij jaņere hâcne ijuc ewec.

¹⁸ Erâ weni jaņere mumupaņ dâņ šijuc muwec: Nore jujumana hae mâreņko mi rašinšepieņ? I dâņticne qahuc jumbij jaņere hâcne muwec.

¹⁹ Irec šijuc honeņgopeneņ: Jaņe miti qiqikiņ-jeņicte quņkerâ mi rašimbij.

4

Jujumana hae mâreņko fisinaņte munârekcicne

¹ Jujumana hae mâreņ-ticnao rašinaņte mukicne. biņedâņ i mi hetâtieme omaewec, irec ñoņeraonec moczi hatao sifuckezacte mezac-nâpozejec.

² Biņe bian dâņ jaņe jazakicne sâc ijaha nâņâc nazakicne. Jaņe ine dâņ i manarâ manjenjicko mi râepie hurâ fowecte jaņerao fârimâc ewec.

³ Nâņâc miti mana šakieņgopenenĵi jujumana hae mâreņko rašieņgopenenĵ. E šijuc muwec:

“No kimbeņ qajarehuc mumupaņ dâņ šijuc mupo:

Jaņe nore jujumana hae mâreņko moc mi rašinšepieņ”,

i mâreņ hobeteņne râehuc wiac sasawa bafârerâ sifu iņuc muwec.

⁴ Irec šoaņ namba 7 irec dâņ moc šijuc muwec: “Anutu e wiac sasawa bafârerê šoaņ 7 ira jumanawec.”

⁵ Ehame faic honembeneņ ine šijuc muwec: “Jaņe nore jujumana hae mâreņko moc mi rašinšepieņ.”

⁶ Eme ši ņic gâcnezi jujumana hae mâreņko rarašinere hata fokac jaha, â mârâc rarašire biņe bian jazakicne jaņe ģikiņnehuc mi rašimbiņ”

⁷ irec “miņecgac” šâfo i mocwâc bahuc šâhec Dawidire micko dâņ mupac i râeme šijuc muwec:

“Ņoņe miņecgac dâņticne mananġopieņko maņbâzic mi junšepieņ.”

⁸ Josuazi jujumana hae mâreņ fârine bâfuaĵareme muzac, Anutuzi šâhec dameņ mocte mi muzac.

⁹ Irec šijuc mananšepeneņ: Anuture ņicfâc jaņere jujumana hombaņ moc fokac.

¹⁰ Anutuzi ģie batararâ jumanawec, iņuc jaha ņic moc Anuture jujumanao rašiocmuzi ģie-ticne hetararâ jumanaocmu.

Anutu dânticnere fuņne

¹¹ Eme nânâcnaonec moczi docke sâqorec erâ njic mârâc qaqtara hata âtembiņ ijaha âtezacte jujumana hae mâreņko rašinante šoqac enšepeneņ.

¹² Anutуре dâņ i jujuhec â tâpirihec, erâ sâqe moc bune râpene micnehec irec sâc jâuruhuc mic-tara jâmbâņ. Izi nâhuku qâqâtâc â maņ, bibiric â siec wamboņ šušuhuc-jeņic nâtâcneekac, ehuc maņte mamasasu â mamana wosâc irec fuņne bataniņkeekac.

¹³ Eme wiac bâfuakicne moczi moc Anutуре maio soņsoņ mi foekac, erao wiac sasawa tâtâc â foņ tâmiric foekac. Erao hâcne dâņgie banaņmu.

Jesu taha bapa sâko-nâņec e maņafec Jaha iqickenšepeneņ

¹⁴ Taha bapa sâko hahaņnehec moc junârekac, e sambâņ fotâcne-fârerâ fewec jukac, Jesu Anutуре Njokâ hâcne, eme iņucne junârekacte šâņe-ticne murâ rereņ enšepeneņ.

¹⁵ Erâ taha bapa sâko-nâņec e dodocne enâreme hone qâoma mi enâreekac, nânâcnao eesâic fuaekac iņuc jaha wâc erao eesâic fuņne fuņne fuawec, eesâicko dodocke mocjaha ine mi ewec.

¹⁶ Irec nâņâc aki anonoc ņeņe rowaņnao maņafec jaha fisihuc junšepeneņ, eme wiac izi me izi maic maic-nâpoha eki buuruc enârehuc aki anonoc-ticnere erâ bafic-nâpozejec.

5

Jesu e šâic gie bakume Anutuzi taha bapa sâko âkendâņnewec

¹ Mâreᅇᅇic nânâcnaonec taha bapa sâko rowosâec-jopakicne sasawa jaᅇe ᅇic jaᅇere erâ Anutu fuacnehuc kiᅇ bahacte taha bâzi rikecne niᅇte râec-jopakicne.

² Taha bapa iᅇucne e jahac ᅇic dodocne jukacte ᅇic mutucne â qâsoriekicne sâcne urucne eja-reekac.

³ Erâ fuᅇne iᅇucte ᅇic jaᅇere kiᅇ bahacte mecne â e jahacne mâmâc taha bâzi rikeocte mukicne

⁴ Gie fekcicne i ᅇic moczi maᅇticnere mi rorâ bapane, taha bapa ᅇic moc e Anutuzi rowosâerâ gie mucneme sâcne baocmu, Aroᅇ iᅇuc hâcne ecnewec

⁵ Eme Kristo e iᅇuc jaha e jahacne maname fefene eha taha bapa sâko mi ewec, i Anutuzi šᅇuc muhuc mucnewec:

“Go hâcne ᅇokâ-nane,
no miᅇecgac bâfuacgukopac.”

⁶ Erâ dâᅇ moc šᅇuc muwec:

“Goki Melikisede ere sâcko
taha bapa jurašihuc jucmu sanaj.”

⁷ Jesu e mâreᅇko juwec dameᅇ ira, hâmockonec bataraocte tâpiri focnewec erao numuhuc kio wâwâsic kâcᅇene ecnewec. Ehuc Anutu araᅇ bacnewecte manacnewec.

⁸ E ᅇokâ juwec, erâ sifu šâic gie baku micrereᅇte fuᅇne mana tarawec.

⁹ Erâ wiac emataucke-fârerâ mume rereᅇfâc-ticne sasawa jaᅇere bâbâpiaᅇ tatara tâmiric bâfuawec.

¹⁰ E hâcne taha bapa sâko erâ Melikisede ere sâcko juocte Anutuzi mucnewec.

Qiemaᅇ mi juzo

¹¹ Irec dân bocjaha fokac, erâ ñoñe hazecfân junğopienñe ñaza mutâc epemurâ manape ñemâckekac.

¹² Ñoñe dameñ şora miti mana wareengopienzi gâcne qazu-jarepie sâckezac” eme inucne ñoñe miti maine i mocwâc qağazu-ñarenere sâc engopienñ. Ñoñe nânâ sanañnere sâc aricne, susu nânâre sâc sawa junğopienñ.

¹³ Susu nâengopienñ jañe ine qiene mujarezo, inucnezi dân fârine wemocko mana taraniñmu?

¹⁴ Nânâ sanañne i sokakicne jañere biñe, mañ mamasu-jeñic fua tâcneme biane sâqocne mana wosâeengopienñ jañere biñe hâcne.

6

Anutu behe sanañkerâ mañ bâbârisie mi fokac

¹ Irec nânâc ši Kristore dân maine, fufunkeo mumune, i râepene foha dân hukicne, wiac efehuc mumune, i moc şuhuckenañ. Wemocte miti hobeteñne i hâsine râehuc mañ bâbârisie â juju ranqa bebehe â Anutu mamasaniñ,

² â Miti Opâ â qizecko me rârâe â hâmockonec fafahare â bâtâc sanañ irec dân mocwâc funkezo?

³ Anutuzi maname sâckeme dân moc şuhuckenañ.

⁴ Ñic mitizi mañjeñic batamaeme sambânjkonec nânâ nâhonembiñ â Tiri Mârohec embiñ,

⁵ erâ Anuture dânbianñ â juju sanañte tâpiri mana añac embiñ,

⁶ ñic inucne jañe miti behe sanañkehuc Anuture Ñokâ jañacne mañte mocwâc mariponko

qahuc mamakâc ecniepie mitio bâbârisiec-jopane mi fokac.

⁷ Mâreñ moc hoezi gâbâ hehuc bâgunuckekume, ñic sara mamac eengopien jañere biñe nânâ monšan bâfuaekac, i Anutu jambuñ-ticnere fârine fuacneekac.

⁸ Á mâreñ mocko hofâ qinšin sawa fuaocmu, ine fârimâc ekacte sâwec fâreme juku šoczi šaocmu.

Qicwânšâñ erâ juju

⁹ Âgofâc, no dâñ mukopac i ñoñe sipirickeniñmu manahuc mâcne, mitio bianķehâmoniñmu, inuc manahuc mukopac.

¹⁰ Anutu e eesifucne mâcne” ñoñe ere erâ ñicfâc-ticne hone bafic ejarehuc jauñ bacjopambin erâ eengopien jaha irec wemocko nikeck-eocmu.

¹¹ Ñoñe šiñuc eniñte enârekac: ñoñe mâmâc sasawa sâc ijaha qicwânšâñ epie sambâñ šeñañ bâbâfuare buâkec mi omaezejec, fofehame dameñ tarazejec.

¹² Eme mi rokawehuc, mitiñic gâcne mamasin â sasanañhec juhuc wiac biñec-nâpokicne rauckeenopien, jañere hata âteniñmu.

Biñe qanârekicnezi juju-nâñecte anga ekac

¹³ Jañeraonec moc Abraham e Anutuzi biñedâñ âzâcnerâ femicne mocte maio mupañkeocte basarâ e jahacnao râehuc mupañkewec.

¹⁴ Ehuc šiñuc muwec: “No jambuñgurâ jambuñgu epemu â basawecgurâ basawecgu epemu.”

15 Eme Abraham e mumupaŋ dâŋ irec wonęc tatakic tâmiriŋ juku fârine rowec.

16 Njiczi fekiecne moc ere maio mumupaŋ dâŋ mupene mu qaqatarac eene mi fuaocmu.

17 Irec Anutu e njic biŋe qajareme manjahec enšipiŋte, maŋticnezi sanaŋkeha muwec irec fuŋne bataniŋkehuc biŋedâŋ irec fainao mumupaŋ dâŋ ūhuckewec.

18 Anutu e burec tâmiriczi dâŋsanaŋ jajahec âkendâŋ-jofahuc nâŋâcnao suru râewec, i ere dapeŋko rašimbeŋzi wiac biŋe qanârekicne irec fârine fotarierâ ronante manasuhuc ewec.

19 Biŋe qanârekicne irec fârinezi juju-nâŋecte aŋga sanaŋne â tâtâcne tâmiric iŋucne ekac, erâ aŋga izi faic qoruc ââketâc irec râpenao râekicne fokac.

20 Ââketâc i micne bapa-nâŋec Jesu eki bânie-nârehuc fotâcnerâ maŋnao rašiwec. E Melikisede ere sâcko taha bapa erâ jusanaŋkeekaczi iŋuc ewec hâcne.

7

Melikisedere fuŋne

1 Melikisede e hâcne Salem haere njicwofuŋ â Anutu femicne sâko ere taha bapa juwec. Eki hâcne Abrahamzi njicwofuŋ râsifâc-ticne joparâ risiehame ra hatao bâfuarâ jambuŋkewec.

2 Erâ e hâcne Abrahamzi mafa mateŋ bātâc barâ tenkonec wâŋ irec sâc râcnewec. Melikisede ūŋe-ticne nâŋâcne dâŋko “Tiŋne njicwofuŋ”, â Salem njicwofuŋ ine “Wama njicwofuŋ”.

³ Melikisede e nenjoc mamac tâmiric, apa ñosa fuñne-ticne qahuc mi mufuacicne, e juju-ticne fufuñke tâmiric â tatara tâmiric. E Anuture ñokâ ere sâsâc eocte mukicnezi taha bapa juju hati ewec.

Melikisede e šâhec taha bapa gâcne Jumbiñ Janere sâc aricne

⁴ Ɛi honeniñ, e ñic fecicne mo inucne irec mimiñne-nâñec Abrahamzi mafa mateñ bianñe sasawa bâwosâerâ teñkonec wâñ irec sâc râcnewec

⁵ Lewi-e qâricfâc gâcne taha gie baniñte mujarekicne jañe ñic ñokac âgofâc-jeñic Abrahamte tofafâc jaha sifu mafa wiac teñkonec wâñ irec sâc jowac roninñte sâcmutâc dânqâhâcko mutâcne-jarekicne.

⁶ Á Melikisede e jañere guruonec mi fuakicnezi ine Abrahamtaonec teñkonec wâñ rowec Ehuc miti biñe qacnekicne e jambuñkewec.

⁷ Á fecicnezi wahakicne jambuñkeekac i mozi mickeocmu?

⁸ Dameñ ši ñic sisirowenezi teñkonec wâñ roeñgopien” ira ine juju hati mucnekicnezi rowec.

⁹ No manape šiñuc ekac, Lewi e teñkonec wâñ roekaczi Abrahamte bifuñko fohuc wiac i Melikisede râcnewec”

¹⁰ e mamac-ticnere bifuñko fohame Melikisedehec bâbâfuac epicte Abrahamzi râcneme Lewizi mâmâc râcnewec ekac.

Taha bapa ranqane gie-jeñic mi sâcke-hâmwec

¹¹ Lewire qâricfâc jaņere taha bapa gie sâcke-hâmozac muzac, wemocko šâhec taha bapa moc Melikisede ere sâcko fuazac â Aronĵe sâcko aricne? Taha bapa giere erâ ģic ģokac sâcmutâc dâņ jarekicne.

¹² Eme taha bapa gie raņqane rârïeha qâricne moc fuame, raņqanere sâcmutâc dâņ iņuc jaha rârïehame qâricne moc fuaocmu.

¹³ Findaņdâņzi ģic rokac e taha ufuņko gie mujarekicne jaņere guruonec mi fuawec, e guru mockonec.

¹⁴ Wofuņ-nâģec e Judare tofafâc jaņeraonec fuawec, i mana-fâreņgopeneņ. Eme ģicguru i jaņe taha gie baniņte Mosezi moc mi muwec.

¹⁵ Erâ irec fuņne moc taniņke-hâmokac wâc. Taha bapa moc Melikisedere sâcko fuaocte mukicne,

¹⁶ e sahaczi fuakicnere sâcmutâc râekicne irec sâcko mâcne, juju fofu sanaņte tâpirio taha bapa erâ juwec jukac.

¹⁷ Ere hâcne dâņ šïņuc mutaniņķekicne:
“Goki Melikisede ere sâcko
taha bapa jurašihuc jucmu sanaņ.”

Jesu e šâšâfic fârïne irec jâcne

¹⁸ Ine hâcne sâcmutâc dâņ mârâc mukicne i tâpirimâc â fârï tâmiric ewecte bârârïekicne.

¹⁹ Sâcmutâc dâņzi wiac moc mi emataucke-fârewec” eme irec okacne woworic fârïne bâfuakicne, izi fârec-nâpome Anutu sâcne maickeeņgopeneņ.

²⁰ Qâricne fuawec i mumupaņ dâņsanaņ tâmiric mi fuawec raņqane jaņe mumupaņ tâmiricko taha bapa erâ jumbiņ.

²¹ Qâricne ši ine mumupaŋ faio taha bapa ewec jukac. Ere dâŋqâreŋ šiŋuc fokac:

“Wofuŋzi mumupaŋ dâŋ muwec i mi beheocmu: ‘Goki taha bapa jurašihuc jucmu sanaŋ’.”

²² Fuŋne iŋucte šâšâfic fârinere jâcne ewec, Jesu hâcne.

²³ Raŋqane jaŋe hâmohuc tuczi tuc juwarembiŋte bocjaha juwarembiŋ.

²⁴ Qâricne e ine juju sanaŋ jukacte taha bapa gie-ticne šušuhuc focnehuc juocmu sanaŋ.

²⁵ Irec ere ŋesiŋko Anutu maickeŋgopieŋ jaŋe sâcne bâbâpiaŋko râe basanaŋ ejareekac, e juju sanaŋ jukaczi hâcne dameŋ sâc roroŋ sasape ejareekac.

Jesu e taha bapa sâko fârine jâmbân

²⁶ Taha bapa sâko-nâŋec hâcne e furu, bahacmâc, qaqaacne, sâqocne bapa jaŋere sâcko mi juhuc qâtâcnerâ pectâc jujune, erâ sambân hucke-fârewec jukac. Iŋucnezi hâcne junâreme sâcke-hâmokac.

²⁷ E taha bapa raŋqane jaŋe iŋucne mâcne, e sindaŋ tâmiriczi wemocko šoaŋne šoaŋne qanaŋ e jahacne sindaŋte erâ taha bâzi rikerâ šâhec ŋic jaŋere rikezac, e jahacne maŋ sahaç i taha bâzi-nâŋec mocjaha hâcne râeme tarawec.

²⁸ Sâcmutâc dâŋko ŋic maŋjeŋiczi dodocne jaŋe taha bapa sâko juniŋte mukicne. Eme šâhec ine sâcmutâc dâŋ faicnao mumupaŋ dâŋsanaŋzi Njokâ âkendâŋnewec. Eki hâcne maŋfuru jaha jurašihuc juocmu sanaŋ.

8

Jesu e faic miti ufuŋ fârinao gie-ticne baekac

¹ Dâŋ mukicne irec hândâŋne ŝiŋuc: Taha bapa sâko junârekac e faic sambâŋko femicne sâko ere ŋeŋefuŋko mefârenao fewec ŋeekac.

² E furu ufuŋ, mitific fârine hâcne, irec taha bapa jukac. Ufuŋ i ŋiczi mâcne, Wofuŋ e jahac bâfuawec.

³ Taha bapa sâko sasawa jaŋe nânâ qowi bâzi râe rikec eniŋte mujarekicne, irec taha bapa sâko-nâŋec wemocko taha bâzi tâmiric juzac?

⁴ Erâ e mâreŋko juhuc muzac taha bapa mi juzac, mâreŋko sâcmutâc dâŋte sâcko bâzi ririke ŋic sâcne juŋgopieŋ.

⁵ Jaŋe gie-jeŋic mitific jabane â sâsâcne ira baengopieŋ, fârine ine sambâŋko ŋekac. Mose e mitire qoruc boze bazo ehame Wofuŋzi ŝiŋuc âzâcnewec: “Manakic, tikio hawarine gowatukicne irec sâcko wiac sasawa bazemec.”

Žâšâfic qâricnere dâŋ

⁶ Ži ine Jesuzi ŝâšâfic fekcicnere jâcne juekacte taha gie fekcicne jaha baekac. Žâšâfic fekcicne ine biŋedâŋ fekcicnezi hobeteŋ ecneha bâfuakicne.

⁷ Mârâc ŝâšâfic fowec, izi fârinehec eme muzac ŝâhec moc fuaocte dâŋne mi fuazac.

⁸ Anutu eki ine ŋic jaŋere maname mi sâckeme ŝiŋuc muwec:

“Juku dameŋ mocko Israe kikefuŋ â Juda kikefuŋ jaŋehac ŝâšâfic qâricne moc bâfuapemu, Wofuŋzi iŋuc mukac.

⁹ Mârâc mimiŋnefâc-jeŋic Aigita mâreŋkonec jowac-jopapere

mejenjicko rohuc jaŋehec šâšâfic epo,
 šâšâfic injucne mâcne;
 jaŋe šâšâfic irec maŋnao paŋšâic mi jupie
 noni râpec-jopapo, Wofuŋzi injuc mukac.

¹⁰ Á šâheç Israe kikefuŋ jaŋehec šâšâfic epemu ine
 kecšinjuc:

No mumupaŋ dâŋnane maŋjenjicko râepe
 huocmu,
 erâ buhândâŋ-jeŋjicko qâreŋkepe foocmu,
 eme no Anutu-jeŋjic jupemu
 â jaŋe kikefuŋfâc-nane juniŋmu.

¹¹ Eme ŋic moczi ŋicâgo-ticne
 me ŋic moczi qomâ-ticne
 šinjuc mi muhuc miti qazucneocmu:
 Ajoc, go Wofuŋte fuŋne manac â!
 Macne, jaŋe wahakicnezi mecne feçicnezi mecne
 mâmâc manacnu-fâreŋiŋmu.

¹² 3injucte manacnuniŋmu: No kiŋjeŋjic behe-
 jarepemu
 â sindaŋ-jeŋjicte mocwâc mi manasupemu,
 Wofuŋzi injuc mukac.”

¹³ Eme Wofuŋ e šâšâfic qâricnere dâŋ muhuc,
 mârâc fowec irec “raŋqaŋkeçicne” muwec. Eme
 wiac raŋqaŋkeçicne â gufeçicne izi arictac ezo
 ekac hâcne.

9

Mârâc Wofuŋ mai eecnere wiac fowec i jabane

¹ 3âšâfic raŋqanao Wofuŋ mai eecnere hata
 fowec â irec tiri qoruc boze mâreŋko ŋewec wâc.

² Mitire qoruc boze hâcne kecšinjuc bambiŋ:
 Maŋne moc maine, šâŋene Furufic mukicne, ira

kendo kikenehec domawec erâ tebo newec fainao poroñ furu mukicne i fowec.

³ Eme bumec mañne moc âke tâcnekicne fowec, šâñene Furu Dindiñ mukicne.

⁴ Ira hosâc ririke alata golzi bakicne newec, erâ šâšâfictc qorac tapa katapa golzi qorockekicne i newec, erâ Aron̄te gunu qârerâ gitec hekicne i â qorac tapa mâmâc râekicne.

⁵ Fainao ine tatamacte kerubim hawari jajahec fakec-jekiczi katapa tapane sâockehuc domapic. Irec dâñ ninic jaha wemocko mufârezo.

⁶ Wiac in̄uc râepie fohame fic mañne maine ira taha bapa jañe damen̄ sâc fec wahac ehuc gie-jeñic bajumbien̄.

⁷ Fic mañne moc ira ine taha bapa sâko e bucticne jara moc mañnao arec mocjaha fejujec. Erâ soc tâmiric aricne, sohec sasawa fehuc e jahacne â ñic jañere bahacte tie jujec.

⁸ Wiac irec fuñne Tiri Mârozi šin̄uc nâwotukac: Mañne maine izi ñehame furu ufuñko rarašire hata mi fua tâcnekac.

⁹ Mañne maine izi damen̄ šin̄uczia mâren̄ko juñgopenen̄ irec sâsâcne ekac. Tiri qoruc bozeo nânâ qowi bâzi râe rikc ee izi wemocko ñic Anutu mai ecnembiñ jañere mañ bâpian̄kezac?

¹⁰ I sahackopec sâcmutâc dâñ sawa, nânâ opâre â sahac šušurere dâñ fowec in̄ucne, i šâhec fârinezi âkehockeocce jaba fowec.

Kristo e taha bapa gie fârine bawec

¹¹ Kristo eki ine wiac fârine fuaocce mukicne irec taha bapa sâko fuawec, ehuc qoruc boze sâc

moc, fârine jâmbân, mezi mi bakicne, mârenko mi ñeñene, ira rašiwec.

¹² Noniñ bulimakao sohec mâcne, e jahacne sohec Furuficko arec mocjaha rašihuc kitâc-nâpowec izi fofo sanañ foocmu.

¹³ Noniñ bulimakao soc â bulimakao šafe i ñic wâwânâñ fua-jarewec jañe epie furu bacjopame sahackopec qaqačkembiñ”

¹⁴ Kristo e ine Mâro juweczi jukac eki neñgoc ñecneha mañ saħac-ticne Anutu taha bâzi furu bian ecnewec, eme nâñâc eebapa aputacnezi mañnâñec hegâpârembeñ i Kristore soczi sâcne šure qaqačkeme Anutu jujune kiñañ qacne-nañmu.

Kristo socticnezi wiac kitâcne-nârewec

¹⁵ Irec hâcne Kristo e šâšâfic qâricnere jâcne ewec, erâ šâšâfic rañqanao juhuc kiñ bâfuakicne i taraocte hâmowec, eme irec biñefâc-ticne jañe juju sanañte merâfâc roninñte mujarekicne i sâcne roninñmu.

¹⁶ Merâfâcte hata šinuc fokac: Runezi hâmome jaha rauckezo.

¹⁷ Qâricne juhame merâfâcte dâñ mukicne i mâc foocmu, hâmome ine dâñ irec fârine fuaocmu.

¹⁸ Irec hâcne šâšâfic rañqane i soc tâmiricko wâc mi fuawec.

¹⁹ Mose e sâcmutâc dânqâhâc jâcne jâcne, mutâcnekicnere sâcko ñic jazaku jaza-fârerâ bulimakao â noniñsoc opâhec bâsifuckerâ kâcbiñko lama kanšañ bâbâronj qâfiserâ izi soc tieme miti

papia mecne ñic ñokac mecne mâmâc rua - jarewec.

²⁰ Ehuc šiñuc jazawec: “Anutuzi šâšâficté dâñ mupañke-ñarejec irec soc ši hâcne.”

²¹ Erâ taha boze â taha giere râqâc wiac i iñuc jaha soczi ruacne-fârewec.

²² Ine hâcne, sâcmutâc dâñko mukicnere wiac šengoma qâririñ soczi šure qaqačkezo, â soc tâmiricko sâqocne bâbâtâmire mi fokac.

Mesia e taha-nâñec mocjaha bame sâckewec

²³ Sambâñko wiac fârine fokac irec sâsâc wiac i soc omanezi šure qaqačkeocte mukicne, â wiac fârine e jahacne ine taha furi sâkozi šure qaqačkeocte hatane mocjaha fokac.

²⁴ Irec hâcne Kristo e furu ufuñ mezi bakicne, fârine irec sâsâcne mac, ira mi rašiwec, e sambâñ mañnao rašiwec, eme ira Anuture maio juhuc nâñâcnere erâ taha gie-ticne baekac.

²⁵ Erâ e mañ sañac-ticne hâsi fâri taha-nâñec qikiñneocte wâc mi fewec, taha bapa sâkozi jâmbomac jarane jarane feekac, ehuc e jahacne soc mâcne, soc jabane rorâ tiri ufuñko feekac.

²⁶ Kristo e iñucnere sâc erâ muzac mâreñ fuaweckonecteañ wemo afecne hâmo warehuc juzac. E ine iñuc mi ehuc dameñ ñonden tataranao due-nâñec bahuc kiññâñec bârârieocte fua tâcnewec.

²⁷ Ñiczi mocjaha hâmonañte munârekcicne, eme irec faicnao dâññâñec mumutara fuaocte mukicne”

²⁸ eme Kristo e iñuc jaha, ñic bocjaha kiñjenic âsickehuc mocjaha hâcne hâmoweczi

mocwâc sâqocnere gie baocte mâcne, e worickehuc juenjopien jaje rocjopaocte sawa fua taniñkeocmu.

10

Sâcmutâc dânje sâcko taha gie bakicne i jabane

¹ Sâcmutâc dânko wiac mukicne i mâc šâhec fârine fuaocmu irec mumucne sawa fuakac, fârine jâmbânj mâcne. Irec taha bapa jaje sâcmutâc dânj renjehuc jarane jarane taha barâ ba epie njic ira Anutu mai ecneenjopien jaje sâcne manjuru mi bacjopaekac.

² Injuc eme muzac, taha bâzi ririke omaezac ij Ira Anutu mai ecneenjopien jaje kinjâsâc enšapinj muzac, kinjenjicte manabâc mocwâc mi enšapinj.

³ Taha bâzi izi ine jarane jarane fuame kinjenjicte manasuenjopienj.

⁴ Noninj bulimakao soczi wemocko kinjenjic bâtâmirezac? I aricne.

⁵ Irec hâcne Kristo mârenjko wahaocte dânj šinjuc muwec:

“Taha bâzi fuñne fuñnere mi egareekac, sahaç ine bâfua-narekomec.

⁶ Qowi hâcbuc ririke me sâqocnere taha bapa i fua-gareocte mi muekic.

⁷ Eme mupo, `Manakic, no Anutu gore mic renjkeperere fisikopac',

miti papiào nore dânj qârenjkecicne irec sâcko.”

⁸ Faic dânj šinjuc muwec fokac, “Taha bâzi fuñne fuñne â qowi hâcbuc sâqocnere taha irec mi egareekac â irec takicgweekac” wiac i sâcmutâc dânje sâcko râe rikec ekicne.

⁹ Erâ dân şinuc şuhuckerâ muwec: “Manacic, gore dân reŋkepere fisikopac”, inuc muhuc wiac ranqane bârârierâ qâricne moc âkendânnewec.

¹⁰ Irec Anuture micdânŋte erâ Jesu Kristo e sahaticnezi taha bame maŋfuru embeŋ, i arec mocjaha ekicnezi fofo sanaŋ.

Jesu e nânâcnere taha fârine bawec

¹¹ Taha bapa sasawa jaŋe şoaŋne şoaŋne giejenic bahuc bâzi ijaha hati rikerâ rike ehuc juengopieŋ, eme izi kiŋ bahac sâcne moc mi bôtâmireekac.

¹² Kristozi ine sâqocne-nânŋecte taha mocjaha bame tarame faic Anutu mefârenao fewec jukac.

¹³ Eme ira râsifâc-ticne dockerâ waha fohuc kike-ticnere ââtesin eniŋte woŋec juekac.

¹⁴ Maŋfuru eere hatao juŋgopieŋ jaŋere taha mocjaha bahuc bâbâpiaŋ-jeŋicte gie batarawec.

¹⁵ Eme Tiri Mârozi irec dân mufua-nârekac wâc. Qanaŋ dân şinuc fokac, Wofuŋ e kecşinuc mukac:

¹⁶ “Zâheç damenjo jaŋehec şâşâfic epemu ine kecşinuc:

No mumupaŋ dânnane maŋjenjicko râepe huocmu,

erâ buhândân-jeŋicko qârenkepe foocmu.”

¹⁷ Erâ şuhuckekac,

“No kiŋjenic behe-jarepemu

â sindaŋ-jeŋicte mocwâc mi manasupemu.”

¹⁸ Sâqocne tâmire-fâreme ine irec taha bapa inuc jaha omaeocmu.

Anutu siocmâc mai ecnezo

¹⁹ Âgofâc, Jesu e socticnezi motâc ronârewecte furu ufuŋko fenaŋte maŋnâŋe. afeckekac.

20 Irec hatane qâricne â jujune ine e jahac bâšâwe-nârewec. Ehuc ââketâc fowec, sahaticne hâcne, i fotâcnerâ fewec.

21 Eme taha bapa fekiecne Anuture ufuŋ qizeckerâ junârekac.

22 Irec nâŋâc mamasaniŋzi maŋnâŋec baafekkeha siocmâc mai ecnehuc junšepeneŋ. Ine qanaŋ maŋnâŋec kiŋzi hegâpârekicne i socticnezi ruacneme taniŋkeha â sahad-nâŋec opâ qaŋaczi šureha iŋuc sâcne enaŋmu.

23 Erâ mume sasanaŋzi wiac biŋe qanârewecte biŋedâŋ i kiki papaŋ jaha bajuhuc muhaŋnenšepeneŋ.

24 Erâ wâc sosonaŋ ehuc maŋjaunŋte â eehâmo giere qaŋafeŋ enšepeneŋ.

25 Ehuc mitire tutumaŋko gâcnezi mi fisihuc qâoma eenŋopieŋ iŋuc mi ezo. Dameŋ sâko bâqiŋ-nâpokac, iŋuc hâcne manahuc šoŋac erâ faŋ qaŋac enšepeneŋ.

Sâqocne mana afeckehuc bapa irec dâŋ

26 Nâŋâc dâŋ fâri qizecnezi maŋnâŋec âke tamaehame sâqocne mana jaŋŋeŋkehuc bapene mozi irec taha bame tâmireocmu? Aricne, iŋuc mi fokac,

27 ine okacne hâhâwicne â šocbâruŋ sâko izi sawa woŋec-nâŋec focmu. Šocbâruŋ izi mitire râsifâc šâmiziec-jopaocmu hâcne.

28 Ŋic moczi Mosere sâcmutâc dâŋ mana suahuc qame ŋic jajahec me jahec â moczi mujaŋŋeŋkepie acmâc jaha qapie hâmoekac.

29 Eme ŋic moc e Anuture Ŋokâ ro waha âte ecnehuc, šâšâfictc soc ruarâ maŋfuru ewec i mana

suahuc aki anonoc rune Mâro musorin̄keocmu, e okacne mo in̄ucne fisicneocmu mun̄gopien̄?

³⁰ Nâhâc dân̄ kecšin̄uc muwec ere fun̄ne man-aengopen̄eñ: “Kin̄ babatara i nore gie, okacne babazu i noni epemu.” Erâ moc šin̄uc fokac: “Wo-fun̄ e ñicfâc-ticne jan̄ere dân̄ mutara-jareocmu.”

³¹ Anutu jujune ere meo fefe i wiac hâhâwicne jâmbân̄.

Miti ba behec mi ezo

³² N̄oñe mârâc wiac ejumbien̄ irec mana-sun̄šepien̄. Damen̄ ira man̄ñen̄iczi hae fure-hame fific guguriñ man̄ko juju gie sâko bahuc sanan̄kembien̄.

³³ Eme gâcne ñoñe iman̄ goman̄ â šâic busâqoc fai-ñen̄icko feme ñic jan̄ere maio mamakâc em-bien̄, â gâcne ñoñe ine âgofâc-ñen̄ic wiac in̄ucne ejarepie šâic-jeñic mâmâc manambien̄.

³⁴ N̄oñe âgofâc-ñen̄ic kâpâcwâru ficko fepie jan̄ere erâ buheric fua-ñarewec, â monen̄ mafa ñowac ropie ine mafa fârine fofone fonârekac muhuc manapie bubian̄nehec ewec.

³⁵ Eme ši hâbi-ñen̄ic mi goron̄kezejec, hâbihec juku furine kâcqene rozo.

³⁶ Irec ñoñe sasanan̄ bâfuarâ Anuture micdân̄koa juku wiac biñe qan̄arekicne irec fârine ron̄šepien̄.

³⁷ “Irec Damen̄ bemben̄ne mac moc fokac i taramē wareocte mukicne e ñeñe râqâc mi ehuc biac fisiocmu.

³⁸ N̄icnane bian̄kekicnezi ine mamasan̄te erâ juju hotâckeocmu,

â docke pârâc eocmuo maṅnanezi manacnepe mi
biankeocmu.”

³⁹ Nâṅâc ine docke pârâc ehuc sisipiricko rara irec
biṅe mâcne, nâṅâc manasiṅkehuc maṅ qâqâtâc
ṅeṅezic irec biṅe.

11

Mamanasiṅte dâṅ

¹ Wiac biṅe qanârekicne i manapaṅkerâ irec
woṅec juju, â wiac mi hohonene maṅzi sakarerâ
babaju, izi mamanasinṅ ekac.

² Mitinṅic raṅqane jaṅe mamanasinṅ inṅucnehec
jupie Anutuzi honec-jopame biankewec hâcne.

³ Mâreṅ i Anuture micte fuawec, ine ma-
manasiṅhec juhuc mana taraeṅgopeneṅ. Wiac
hohonene i mi honekickonec fuawec hâcne.

Abe, Enoko â Noa

⁴ Mamanasiṅhec juhuc Abezi Anutu bâzi rikec-
neme honeme sâckeḥa Kaiṅte qikinewec. Ma-
manasiṅ-ticnere hâcne Anutuzi honeme kiṅfâsâc
eme bâzi-ticne rohuc fuṅne-ticne bataniṅkewec.
E mamanasinṅhec juwecte manapene hâmokicnezi
sifu dâṅ nâzâkac ekac.

⁵ Enoko e mamanasinṅhec juwec, irec hâmoczi
mi bâuaocce Anutuzi qâricne bafewec. Inṅuc ec-
newecte ṅiczi basambiṅ. Erâ mi feḥa fuṅne-ticne
biac šiṅuc mutaniṅkecicne: Anutuzi e honeme
biankewec.

⁶ Mamanasiṅ tâmiric jupene Anutuzi honec-
nâpome bibianṅke ine mi fokac. Anutu mâc mai mi
ecnezo, jukac i mana šakiezo, â maṅzi hefârepene
tahac-nâpoekac dâṅ i mana šakiehuc mai ecnezo.

⁷ Noa e mamanasinhec juwecte Anutuzi wiac šâhec fuaocmu irec biñe qanañ âzâcnewec. Âzâcneme arañ bacnehuc wiacfâc-ticne qâricne juniñte murâ woke bawec. Inuc ehuc ñic kinjenicte fuñne bataninkekewec. Erâ mamanasinñte erâ kinfâsâc ee irec fârine rauckewec.

Abraham

⁸ Abraham e mamanasinhec juwecte mâreñ-ticne beherâ moc rauckeocste irec dân erao fuame reñkewec. Erâ mâreñ irec me irec mukicne kâuc bahuc sifu rawec.

⁹ Mamanasinñhecte mâreñ biñe qacnekiecne ira ra fisirâ jaba juwec. Jaba juhuc bozeo sawa ñeñerâ juwec. Isaka â Jakobo jahe biñe mâmâc qajactekicnezi sâc ijaha epic.

¹⁰ Abraham e hae ñeñe sanañ moc Anutuzi bâfuarâ basarickewec irec mamanačko juwec.

¹¹ Sara e inuc jaha mamanasinñhecte tâpiri fuac-neme ñokac qizec juipiehuc kiwechec ewec. Ine qâricte biñe qacnewec ere, mume fufuazi mukac, muhuc inuc ewec.

¹² Eme irec hâcne ñic mocjaha, fua sawecte tâpiri-ticne arictac ehame, eraonec qâric fua sawec embiñ jañe sambânko bâpiñ ñerakac irec sâc, erâ hâwecmecko moñgeñ forakac, ñiczi mi wowosene, irec sâc fuambiñ.

¹³ Ñic izi hâcne mamanasinhec juhuc hâmo-fârembiñ. Wiac biñe qajarekiecne irec fârine ine mi roro mâc taicko fome honerâ worickehuc jumbiñ. Inuc ehuc fuñne-jeñic šinuc manambiñ: Nâñe mâreñko hotâ â jaba juñgopenenñ.

14 Dâñ inçuc muhuc mâreñ qizec moc bâfuaniñte manjenic âeckeba ewec.

15 Erâ jañacne hae mâreñ râpeckembiñ irec manhâhân mi ejarewec, irec ejareme muzac risiezo murâ sâcne risienšapiñ.

16 Jañe ine hae mâreñ bian mocte manhâhân ejarewec, sambânko fokac irec hâcne. Irec Anutu e jañere Anutu, ere inçuc mupene maname mi sâqoreekac. Wemocte? E jahac hae sâko moc bâfua-jarewec.

Isaka â Jakobo

17 Abraham e Anutuzi esâickeme mamansiñhec juwecte Isaka taha bâzire qikiñnewec, e biñedân roweczi ñokâ-ticne mocjaha qikiñnezo ewec hâcne.

18 Biñedân šiñuc âzâcnekicne: “Isakaraonec qâricfâcge fua sawec eraniñmu.”

19 I kecšiñuc muhuc ewec: “Anutu e ñic hâmockonec bâqârec-jopaocte tâpiri focnekac.” Eme irec hâmockonec tinac bârisiecnnewec.

20 Isaka e mamansiñhec juwecte Jakobo â Esau jambuñ-jofahuc wiac šâhec fuaocmu irec findañdân wâc jasawec.

21 Jakobo e mamansiñhec juwecte hâmozo ehuc Josefe ñokâ jahec-ticne jambuñ-jofawec, ehuc gunuzi âkesiñnerâ ñehuc Anutu dapecnnewec.

22 Josefe e mamansiñhec juwecte hâmozo damen-ticne maickeme Israe ñic jañe juku Aigita mâreñ beherâ raniñmu irec manasurâ siec-ticnere qanañ dâñ mutâcne-jarewec.

Mose â Josua

23 Mose fuame nenjoc mamacne jahe mamanasinhecte motec honebâckerâ njicwofuŋ dâŋticnere mi hâwic-jofaha mosa jahec â moc soŋkepic.

24 Mose e mamanasinhect juwecte ine sokarâ Farao otâ-ticne-e ŋokâ mucneniŋte mupie qikiŋnewec.

25 E sâqocnere aŋac bembenŋe qikiŋnerâ Anutire njicfâc jaŋehect šâic busâqoc manaocte wosâewec.

26 Ehuc Aigita mârenjonec moneŋ mafa mâriri irec maname jawane ewec, â Kristore erâ makucne juocte ine maname fârine ewec. I juku furine roocte mana suhuc iŋuc ewec.

27 E mamanasinhect juwecte njicwofuŋ aaric-ticne qamaserâ Aigita mârenj behewec. Erâ Anutu mi hohonene e šâŋezi honehuc tinac erao siŋkewec.

28 Mose e mamanasinhect juwecte mume aakic lama hezurâ socnezi ficmotâc ruacnepie aŋelo momorizi jowaruhuc mârâc ŋokâfâc-jeŋic akic-jopawec.

29 Eme Israe njic jaŋe mamanasinhect jumbiŋte Hâwec Bâbâronjko tiŋko rara tinac rahuc fotâcnembiŋ. Aigita njic jaŋe i jaha ezo mupie hâweczi qâcjopawec.

30 Israe njic jaŋe mamanasinhect jumbiŋte Jeriko haesac orânjkekuhapie šoaŋ gie bapa 7 eme hericke qawec.

31 Sasec ŋokac Rahaba e mamanasinhect juwecte njic mârenj hone t□ecnepic jahe âgo ejaectewec. Eme qaqtara njic jopambiŋko e

akickekicne.

Mitiñic gâcne jañere dân

³² Erâ dân gâcne wemocko mufârezo. Gideon â Baraki â Simson â Jefita â Dawidi â Samue â porofete jañere binañ bafârepe muzac mâretec šorazac.

³³ Jañe mamasinñhec jumbinñte ñic guru sâko bawahac-jopambinñ. Bâbâtiñ gie bâhâmombinñ, wiac binñ qajarekicne irec fârine rombinñ, laion micjenñic bâbâzickembinñ,

³⁴ šocbâruiñ fâro-ticne hemâtenñkembinñ, šika faio feipiehuc qâricne jumbinñ, dockekicnezi mocwâc sananñkembinñ, šikao momori wânšân embinñ, mâreñ gâcnaonec râsi jopa jâpec embinñ.

³⁵ Njokac gâcne jañere ñokâ hâmockonec bâqâre-jarekicne. Njic tucne bâšâic-jopahuc mâsi qâsi ejarekicne, eme “miti behemie akic-ñopazo” jazapie, juju sananñte qâreninñte manasuhuc qikiñnembinñ.

³⁶ Njic tucne jañe maric mañgâpâc â qa imac ejarekicne, â tucne jañe me kike-jenñic qarâ kâpâcwâru ficko râec-jopakicne.

³⁷ Tucne jañe qânâzi hehâmoc-jopakicne, tucne jopa qâšâic ejarekicne, tucne jañe segezi bâtâc-jopambinñ, tucne jañe šikazi upe-jenñic qâtâcnembinñ. Jañe lama â noninñ sahadne rufarâ rorocko juhuc bebekâne erâ šân goma faio jujumbienñ.

³⁸ Injucnezi ñic wemo-jenñicte mâreñko jupie sâckewec. Jañe tiki tuhuo mâreñ â qorac hawecko foforâ jujumbienñ.

³⁹ I jaņe sasawa mamasasiņ-jeņicte Anutuži honec-jopame bianķewec, erâ sifu wiac biņe qa-jarekicne irec fârine mi bâfuambiņ.

⁴⁰ Fuņne šiņucte: Anutu e nâņâcnao wiac fe-kicne râeocte maname fowec, irec jaņe nâņâc tâmiricko juju saric bâfuanințe mi manasuwec.

12

Jesuzi micne banârewecte e bâjâpehuc sananķezo

¹ Wišec guru sâko inucnezi karorac tinac erâ orâņ-nâpoņgopiențe wiac bâmâc-nâpoekac i hetera-fârenšepeneņ, â sâqocnere muczi fâfâc-nâpoekac i wâc hetâcnenšepeneņ, ehuc hata nâwotukicne ira tatakic tâmiric gagasac jaha ranšepeneņ.

² Ehuc Jesu, mamasasiņte micne bapa â manasiņte fârine bâbâfua, erao findendenņehuc junšepeneņ. E šeri bubiaņ fuacneocte mukicne irec manasuhuc mariponțe šâic manawec â mimi faio fefe mana suawec. Inuc erâ Anuture ņeņefuņko mefârenao fewec ņekac.

³ Sâqocne bapa jaņe mukac mupe mo inucne ec-nepie mana-bipierâ sananķewec, ņoņe ere hâcne manasuhuc mi takirepie maņņeņic betanķezejec.

Anutuži ba bâtiņ enâreekac irec dân

⁴ ņoņe sâqocnezi herokawec-ņopazo eme samandiņkerâ saħac-ņeņic bapie wozeme dodoma, i juwarehuc inuc sâcne mi embiņ.

5 Erâ dân moc “ņokâ” muņarehuc faņ gaņarekicne fokac irec nīkec-ņopawec me? Dâņ ŝiņuc:

“Nokâ-nane, Wofuņzi bâtiņgume manatec wawahane mi ezejec, â bâŝaicgume maņge mi rokawezejec.

6 Wofuņ e ñic moc jaunkezo murâ ba bâtiņ ecneekac, â ñic funfunfâcne bacjopahuc qa qâtiņ ejarefâreekac.”

7 Wofuņzi ba bâtiņ eņarezo mume hâbi-ņeņic mi ñeņgoroņkezejec. Anutuzi honec-ņopame naru motecfâc-ticne epie iņuc hâcne eņareekac. Me mo mamaczi ñokâ-ticne ba bâtiņ mi ecneocmu?

8 Ba bâtiņ i ñic gâcne sasawa ejarewec, eme ñoņe i tâmiric jupie ine naru motecfâcne mâcne, fiuckonec fuakicne muņarezo.

9 Erâ moc mupe: Mâreņ mamacfâc-nâņec jaņe qa bâtiņ enârepie araņ bajare jumbeneņ. Eme qâqâtâcte Mamac e araņ baŝihuc bacnepene sâckeocmu. Iņuc ehuc juhâmonaņmu.

10 Jaņe mamana-jeņicte sâc jara dameņ be-mbeņne sawa qa bâtiņ enâre jumbieņ, eki ine wiac fârine fua-nâreocte enâreekac, e jahacne tiri jujuo ŝhuckenaņte hâcne.

11 Bâbâtiņ fuaocmu sâc i qanaņ manapene bu-biaņhec mi ehuc busâqochec eekac” â ŝâhecko ine bâbâtiņko juhuc sanaņkeeņgopieņ jaņerao fârine wamane fuaekac, ŝâņene bahac fâsâc juju.

Sasanaņ bâfuarâ dodopec ezo

12 Eme ñeje meñeñic betañketicne â hoqañeñ-ñeñic ñetarakicne, irec âte tiñnehuc sanañkenšepieñ.

13 Ehuc hata bâšâwepie wiñkeme ñoñeraonec puriñ ekicnezi ira qac qâsoric tâmiric âte rahuc biankenšepieñ.

14 Ñeje ñic mâmâc sasawa jañehc wamao jujure giene banšepieñ, erâ mañfuru erâ juniñte henširiñnenšepieñ, mañwânâñhec juku Wofuñ hohone i mi fokac.

15 Ñoñeraonec moczi Anuture aki anonoc rizacte soñañ babac enšepieñ. Erâ ñonden-ñeñicko šañ opac moczi gitec herâ šacñopame šaqorenšipiñte rucñeñic banšepieñ.

16 Erâ ñoñeraonec moczi Esaure hata mi âtehuc saseñic â ñic arañ bapa tâmiric mi ezejec. E nânâ mocjaha mac irec erâ mârâc fufuare merâfâc qikiñnewec.

17 Ñeje ere manañgopieñ, e šâhec jambuñ rozo nume sakarecnekicne. E wiac ewec i suame arictac eocte kio-bipiehuc emâmânkewec.

Nâñac Sinai tiki mâcne, Zion tiki maickemben

18 Ñeje tiki moc ba bâuac eene, šocbâruñnehc ira mi ra fisimbiñ, erâ hâweñ, dapâc â mânâñ šâšâkiriñne irec mañnao mi rašimbiñ.

19 Erâ qeñfânâñ sâko â dâñowa i wâc mi manambiñ. Manambiñzi dâñ nininkeocte numu huacbuc embiñ.

20 Dâñ kecšiuñuc mukicne, irec manapie hâhâwicne ewec: “Qowi tiki âteuame qânâzi hehâmozo.”

21 Wiac i bipic tatarane hec fuakume Mosezi muwec: “No hâwicnume qarac qarac qakopac.”

22 Nõje tiki injucnao mâcne, nõje Zion tiki, Anutu jujune ere hae sâkoo, sambânje Jerusalemko fisimbiñ. Ehuc anjelo mi wowosec-jopane â šeri tutumañ sâko

23 â funfun gurufâc-ticne šânjejenic sambânko qârenkekicne jañe hâcne maic-jopambiñ. Ehuc Anutu, ñic sasawa nânjâcne mumutara maickembiñ, â ñic tiñe furu bacjopakicne qâqâtâc-fâc-jenic jañerao šuhuckembiñ”

24 â Jesu, šâšâfic qâricnere jâcne, erao fisirâ ruru soc maickembiñ, soc izi Abe socticnezi wira wâwâsic ewec injuc mâcne, sâc moc wira wâwâsic eekac.

Anutuzi juku mâreñ itiriñkeme ñerisieocmu

25 Nõje dân ñazaekac e râpeckenšipiñte ruc bahuc junšepieñ. Mârâc jaha mâreñko waharâ dân jazame qikiñnepie okacne fisi-jarewec. Eme ši sambânko juhuc dân nâzâekac, e râpeckerâ wemocko okac tâmiric junañmu.

26 Mârâc jaha dân mume mâreñ qiriñ qawec. Eme ši ine dânticne šiñuc fokac: No juku mâreñ mocwâc itiriñkehuc sambânjâmâc itiriñkepemu.

27 Mocwâc itiriñkepemu, injuc muwec, ine wiac bâfuakicne i itiriñkeme ñerisieocte manasuhuc muwec. Ñerisieme fofo sanañ i fuarâ qiriñmâc fozokac.

28 Nânjâc uucmañ moc qiriñmâc fofo sanañ rauckenañmu, irec Anutu mucne bacnenšepeneñ, ehuc rumerâ arañ bacnehuc,

jahac maname biankeekac irec sâcko kinjan qacnenšepeneŋ.

²⁹ Ehuc šiŋuc mananšepeneŋ: Anutunâŋec e šocbâruŋ injucne.

13

Faŋdâŋ

¹ Qoqomâzi jaun babac eenġopien i ŋoŋerao mi wahazejec.

² Ŋic hezu hewâneŋ ejareninŋte qâoma mi enšepien. Gâcnezi ŋic hezu hewâneŋ ejareŋgopenenŋ muhuc aŋelo ejarembinŋ.

³ Âgofâc-ŋeŋic kâpâcwâru ficko râec-jopakicne jaŋere manasuhuc manapie mâmâc râec-ŋopakicne tinac ezejec. Êrâ ŋoŋe sahachec jaha juŋġopienŋte qa imac ejarekicne jaŋere wâc manasunšepienŋ.

⁴ Ŋowe ŋonâŋ jujure manapie wiac fârine eha fofo wirecko gâc mi hezejec. Boe sau â šuhuc bâtâc eenġopienŋ jaŋe Anutuzi okacne jareocmu.

⁵ Maŋŋeŋiczi moneŋ mafare harac mi ezejec. Wiac foŋarekac sâc mukâroŋ tâmiric bajunšepienŋ. Wofuŋ e jahac šiŋuc muwec: “Noni mi beheġupemu, â hone qâoma moc mi egarepemu.”

⁶ Irec nâŋâc hâbi-nâŋec rohuc šiŋuc munšepeneŋ:

“Wofuŋ e ŋeŋezic-nane,
no mi hâwicnuzejec;
ŋic jaŋe wemo enareninŋmu?”

Miti qazu-nârekeicne ijaha bajuhuc Jesu bâjâpenšepeneŋ

⁷ Micne bapafâc-ŋeŋic Anuture dâŋ ŋaza qazuc embiŋ jaŋere manasuhuc junšepieŋ, erâ miti hata âteku hâmbiŋ itirocne honehuc jaŋere bâjâpecne mamasasiŋhec junšepieŋ.

⁸ Jesu Kristo e juweczi jukac ijaha jurašihuc juocmu sanaj.

⁹ Mu qaqazuc dâŋ kosane hazec furu ŋazapie izi maŋŋeŋic mi hesifuckezejec” maŋŋeŋic aki anonoczi keteŋneme qiŋ herâ fome biankeocmu, wiac nâkicnezi sâcne mi basanaŋkeocmu. Hata i âtembiŋzi fârine mi bâfuambiŋ.

¹⁰ Nâŋâcne alata ŋekac, irec nânâ i qoruc boze kiŋaŋ qacneŋgopieŋ jaŋe nâniŋte mi mana-jarekicne.

¹¹ Ŋoŋe manaŋgopieŋ, qowi hezurâ soc-jenjc taha bapa sâkozi sâqocnere kiŋte furu ufuŋko bafeme fârine hae sahao bahurâ šoczi rikeŋgopieŋ.

¹² Eme Jesu e iŋuc jaha socticnezi ŋic maŋfuru bacnâpoocte hae sahao qapie hâmowec.

¹³ Irec nâŋâc iŋuc jaha hae sahao erao hurâ, eki mimi faio fewec ijaha enšepeneŋ.

¹⁴ Ťiŋuc manahuc enšepeneŋ: Hae ŋeŋe sanaj moc šira mi ŋenârekac” moc juku fufuane irec maŋhâhâŋ enâreekac.

¹⁵ Irec nâŋâc Jesure erâ Anutu šušuhuc jaha mumuteŋ ecnepene izi taha bâzi-ticne ezejec, michipic-nâŋecte fârine šâŋe-ticne muac baafec enšepeneŋ hâcne.

Muqâmoc dâŋ

16 Jaun̄ â bâmec banĩte qâoma mi enšepien̄, Anutu e irec hâcne maname taha bâzi fârine eocmu.

17 Micne bapafâc-ņeņic jaņere dâņ reņkehuc sâsec-jopanšepien̄” jaņe maņ qâqâtâc-ņeņic hone soņaņ eengopien̄zi juku gie-ņeņicte fuņne mutaniņkeniņmu. Irec gie-ņeņic bubianko bapie sâckeocmu, busâqocko bahapie ņoņerao wiac sâcne mi biankeocmu.

18 ņoņe nâņere erâ numuhuc junšepien̄. Nâņe pectâc sasawa junan̄te šoqac eengopenen̄zi maņnâņecko bahac basaengopenen̄.

19 Nunumuzi baficnupie Wofuņzi bârisiecnume ņoņerao biac fâpemurâ ņaza sanan̄kekopac.

20 Wama Anutu e lama soņaņ sâko Wofuņ-nâņec Jesu šâšâfic fofo sanan̄ irec socte hâmockonec bârisiewec,

21 Anutu eki hâcne wiac bianne fuņne fuņne tahac-ņopahuc baafec-ņopame dâņticne reņkenšepien̄, erâ e jahac maname sâckeekac i Jesu Kristore erâ ņoņerao bâfuazejec. Erao mumuten̄zi mumuten̄ forasiņhuc juzejec sanan̄. Jâmbomac.

22 Âgofâc, no dâņ šoricne boc mi qâreņkepac, eme ņoņe ņsawan̄ dâņ i manapie mi sâqoreocte esoc-ņopakopac.

23 Erâ ņazape mananiņ, âgo-nâņec Timoteo e firuembiņ, biac wareme jowape fanacmu.

24 Micnefâc-ņeņic â mitiņic ņokac sasawa manasu-ņare-fârekopac. Italia mâreņkonec jaņe manasu-ņareņgopien̄.

25 Aki anonoczi ņoņerao fofârezejec.

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-09

PDF generated using Haiola and XeLaTeX on 18 Apr 2025 from source files dated 31 Aug 2023

76869875-8293-5126-8b67-c576c145ac3c